



ՄԱՍՆԱԳԻՏԱԿԱՆ ԿՐԹՈՒԹՅԱՆ  
ՈՐԱԿԻ ԱՊԱՅՈՎՄԱՆ ԱԶԳԱՅԻՆ  
ԿԵՆՏՐՈՆ ԶԻՄՆԱԴՐԱՄ

ANQA-2024/106

**ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ  
Ո Ր Ո Շ ՈՒ Մ**  
27 ապրիլի 2024 թ. N 106

**ԱՐՈՎՅԱՆԻ ԲԱԶՄԱԳՈՐԾԱՌՈՒԹՅԱՅԻՆ ՊԵՏԱԿԱՆ ՔՈԼԵԶԻ ԻՆՍՏԻՏՈՒՑԻՈՆԱԼ  
ԿԱՐՈՂՈՒԹՅՈՒՆՆԵՐԻ ՀԱՎԱՏԱՐՄԱԳՐՄԱՆ ՄԱՍԻՆ**

**Ընդհանուր տեղեկություն հաստատության մասին**

Հաստատության լրիվ անվանումը՝ «Աբովյանի բազմագործառնության պետական քոլեջ»  
ՊՈԱԿ

Գործունեության հասցեն՝ ՀՀ, Կոտայքի մարզ, ք. Աբովյան, Ոսանողական նրբ.4

Նախորդ հավատարմագրման մասին  
որոշումը և ժամկետը՝ **չի ունեցել**

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2024թ.ապրիլի 27-ին քննարկեց Աբովյանի բազմագործառնության պետական քոլեջի (այսուհետ՝ Հաստատություն, ԱԲՊՔ, քոլեջ, ՄՈՒՀ) ինստիտուցիոնալ կարողությունների հավատարմագրման հարցը:

**Հավատարմագրման գործընթացի հիմնական փուլերն իրականացվել են հետևյալ ժամկետներում.**

<b>դիմում-հայտի ներկայացում</b>	10 հունվարի 2023թ.
<b>վերանայված ինքնավերլուծության ներկայացում</b>	17 հուլիսի 2023 թ.
<b>փորձագիտական այցի իրականացում</b>	18-21 սեպտեմբերի 2023 թ.
<b>փորձագիտական զեկույցի ներկայացում</b>	29 նոյեմբերի 2023 թ.
<b>թերությունների վերացման նախնական ծրագրի ներկայացում</b>	29 հունվարի 2024թ.

Քուլեջի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագիտական խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Ինստիտուցիոնալ հավատարմագրման 10 չափանիշներից 4-ը՝ «Կառավարում և վարչարարություն», «Հետազոտություն և զարգացում», «Հասարակական պատասխանատվություն» և «Որակի ներքին ապահովման համակարգ» գնահատվել են անբավարար:

Հանձնաժողովը, ուսումնասիրելով Աբովյանի բազմագործառության պետական քուլեջի կողմից ներկայացված ինստիտուցիոնալ կարողությունների ինքնավերլուծությունը, զեկույցի նախնական տարբերակի վերաբերյալ քուլեջի դիտողությունները և առաջարկությունները, փորձագիտական զեկույցը, զեկույցում նշված թերությունների վերացման գործողությունների ծրագիրը, լսելով քուլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ձևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

### **1. Առկա են որոշակի խնդիրներ որակավորումների արժանահավատ շնորհման տեսանկյունից, սակայն առկա են նաև առաջխաղացման միտումներ և օրինակներ**

Բոլոր կրթական ծրագրերը համապատասխանում են ԱԲՊՔ առաքելությանը, համահունչ են տարածաշրջանի սոցիալ-տնտեսական կարիքներին և ՈԱԾ-ին,

ՄԿԾ-ները կազմված են պետական կրթական չափորոշիչների համաձայն, միտված են տարածաշրջանի աշխատաշուկայի կարիքների բավարարմանը: Ընդհանուր առմամբ ունեն ուսումնառության ակնկալվող վերջնարդյունքներին համապատասխան դասավանդման և ուսումնառության մեթոդներ: Քայլեր են ձեռնարկվում ԱՀՈՒ ձևաչափի ներդրման ուղղությամբ: Քուլեջում սահմանված չեն գնահատման տարբերակված չափանիշներ:

ՄԿԾ կառավարման ոլորտում առկա են որոշ թերություններ ամբիոնի վարիչները թույլ վերահսկողություն ունեն մոդուլային/առարկայական ծրագրերի մշակման և իրականացման, ինչպես նաև պրակտիկաների ծրագրերի և կազմակերպման նկատմամբ: Ամբիոնների վարիչները չեն մասնակցում ՄԿԾ-ների ուսումնական պլանների մշակմանը:

ԱԲՊՔ-ի մասնագիտական կրթական ծրագրերի նպատակներն իրականացնելու համար հաստատությունն ապահովված է անհրաժեշտ մասնագիտական որակներ ունեցող դասախոսական կազմով, որոնց որակավորումը համապատասխանում է ներկայացվող պահանջներին: Առկա է քուլեջի ռազմավարական նպատակների իրագործմանը միտված ուսումնաօժանդակ կազմ:

ԱԲՊՔ-ում ձևավորված է բարենպաստ ուսումնական միջավայր: Վերջին տարիներին իրականացվել են շենքերի բարեկարգման և ռեսուրսների համալրման աշխատանքներ, որոնք կրում են շարունակական բնույթ: Իրականացվող ծախսերը միտված են քուլեջի հիմնական գործունեության՝ կրթական ծրագրերի իրականացման համար անհրաժեշտ պայմանների ապահովմանը: Ներքին շահակիցների համար առկա է անվտանգ և ապահով միջավայր:

**2. Կառավարումն ու որակի ապահովման համակարգը ձևավորման փուլում է, սակայն առկա են զարգացման միջոցներ և կառավարումը միջավայր է որակի բարելավմանը, որակավորումների արժանահավասար շնորհմանը:**

2020 թ. ՀՀ կառավարության որոշմամբ «Աբովյանի պետական քոլեջ» ՊՈԱԿ-ը և «Աբովյանի թիվ 1 արհեստագործական ուսումնարան» ՊՈԱԿ-ը միավորվելով վերակազմակերպվել են որպես «Աբովյանի բազմագործառնության պետական քոլեջ»:

ԱԲՊԲ վարած քաղաքականությունն ու ծավալած գործունեությունը համապատասխանում են բազմագործոնային քոլեջի առաքելությանը, իրականացվող մասնագիտությունները համահունչ են ՀՀ կրթության որակավորումների ազգային շրջանակին: Քոլեջը զգայուն է աշխատաշուկայի կարիքներին և դրանց համապատասխան նոր մասնագիտություններ է ներդնում:

Ռազմավարական նպատակների իրականացման համար ԱԲՊԲ-ի մարդկային, նյութական և ֆինանսական ռեսուրսները բավարար չեն: Քոլեջը չունի ռազմավարության իրականացման պլան ժամանակացույց, կարճաժամկետ պլանավորումն իրավիճակային է և չի բխում ռազմավարությունից: Քոլեջը չունի իր գործունեության վրա ազդող գործոնների ուսումնաիրության կայուն մեխանիզմներ: Ցածր է ներքին շահակիցների իրազեկվածությունը քոլեջի ռազմավարական նպատակներից և ընթացող գործընթացներից: Բացակայում են ռազմավարական նպատակների գնահատման և մշտադիտարկման մեխանիզմները:

ԱԲՊԲ-ում որակի ապահովման ներքին համակարգի վերաբերյալ դեռևս առկա չեն հստակ պատկերացումներ: Սահմանված չեն որակի ապահովման պատասխանատուի գործառնությունները, տվյալների հավաքագրման, գործընթացների արդյունավետության գնահատման, վերլուծությունների, խնդիրների վերհանման մեխանիզմները բացակայում են: ՄԿԾ-ների որակի մասին հավաքագրվող քանակական և որակական տեղեկատվությունը ամբողջական չէ: Ներքին և արտաքին շահակիցները ներգրավված չեն որակի ապահովման գործընթացներում: ՊԻԳԲ շրջափուլը դեռևս ամբողջապես ներդրված չէ:

**3. Միջազգայնացումն ու հեղափոխական/ստեղծագործական գործունեությունը բավարար չեն աջակցում որակավորումների արժանահավասար շնորհմանը:**

Քոլեջում գործում են ուսանողների ընդունելության կանոնակարգված գործընթաց: Վերջին տարվա ընթացքում գրանցվել է դիմորդների թվի աճ: Ուսանողների կարիքների վերհանման նպատակով կազմակերպվում և իրականացվում են տարատեսակ հանդիպումներ: Որոշ մասնագիտություններում ուսանողները կատարում են հետազոտական աշխատանքներ:

ԱԲՊԲ-ը չունի հետազոտական ոլորտում իր հետաքրքրությունները և հավակնություններն արտահայտող ռազմավարություն, Հետազոտությունը քոլեջի ղեկավար և դասախոսական կազմի մեծ մասի կողմից դեռևս չի ընկալվում որպես դասավանդման և ուսումնառության գործընթացի բաղադրիչ մաս: Հետազոտական/ստեղծագործական գործունեության և ուսումնական գործընթացի փոխկապակցման առանձին տարրեր առկա են միայն արվեստի ոլորտի մասնագիտություններում դրանց առանձնահատկություններից ելնելով, սակայն քոլեջում առկա լավ փորձը դեռ չի հետազոտվում և չի տարածվում:

ԱԲՊԲ-ում շահակիցների նկատմամբ հաշվետվողականության մեխանիզմը լիարժեք չէ, հաշվետվությունները վերլուծական չեն: Քոլեջը բավականաչափ չի ապահովում գործընթացների թափանցիկությունը: Հասարակությանը մատուցվող ծառայությունները դեռ բարելավման կարիք ունեն՝ հատկապես գիտելիքի (արժեքների) տարածման ուղղությամբ: Քոլեջը ունի համագործակցությունների լայն շրջանակ, արտաքին հարուստ կապերի միջոցով նպաստում է քոլեջի

զարգացմանը, ուսանողների մասնագիտական աճին և առաջընթացին, դրա արդյունքում բարելավվել են ռեսուրսները:

4. Փորձագիտական զեկույցում նշված թերություններն առանցքային են որակավորորումների արժանահավատ շնորհման տեսանկյունից, միաժամանակ հիմքեր ստեղծված են բարելավումների համար:

5. Թերությունների վերացման ծրագիրն իրատեսական է և իրականացման դեպքում կբերի որակական դրական փոփոխությունների:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

### ՈՐՈՇԵՑ

**1. «Աբովյանի բազմագործառութային պետական քոլեջ» ՊՈԱԿ-ին շնորհել պայմանական ինստիտուցիոնալ հավատարմագրում 2 /երկու/ տարի ժամկետով:**

2. Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԿ-ին ներկայացնել փորձագիտական զեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով «Կառավարում և վարչարարություն», «Հետազոտություն և զարգացում», «Հասարակական պատասխանատվություն» և «Որակի ներքին ապահովման համակարգ» ոլորտներում առկա խնդիրներին առաջնահերթ լուծում տալու անհրաժեշտությունը:

**3. Հատուկ ուշադրություն դարձնել.**

- իրականացվող գործընթացների արդյունավետության գնահատման հստակ և չափելի որակական և քանակական ցուցիչներ ունենալու անհրաժեշտությանը,
- նախապես հավաքագրված և վերլուծված տվյալների վրա հիմնված որոշումների կայացմանը,
- դասախոսական կազմի դասավանդման արդյունավետության գնահատման հստակ մեխանիզմների կիրառմանը,
- դասախոսական և ՈւՕ կազմերի մասնագիտական որակներին ներկայացվող պահանջների վերանայմանը և նեղ պրակտիկ ոլորտի մասնագետների ներգրավմանը,
- գործատու-գործընկերների հետ համագործակցությանը՝ նրանց ռեսուրսները համատեղ հետազոտական նպատակներով օգտագործելու համար,
- հետազոտական և ուսումնական գործընթացների փոխկապակցմանը, գործնական հմտությունների ձևավորմանը,
- ուսանողների մոտ վերլուծական, ստեղծագործական և քննադատական կարողությունների զարգացմանը միտված ուսուցման կազմակերպմանը,
- ներքին և արտաքին շահակիցների նկատմամբ հաշվետվողականության համակարգի բարելավմանը,
- որակի մշակույթի ձևավորման և շարունակական զարգացմանը, քոլեջի բոլոր գործընթացներում ՊԻԳԲ շրջափուլի կիրառմանը:

4. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգ»-ի 12-րդ կետի պահանջներին համապատասխան 6 ամիսը մեկ անգամ ՈԱԿ-ին գրավոր զեկույց ներկայացնել

իրականացված գործողությունների արդյունքների վերաբերյալ՝ գնահատելով քոլեջի գործունեության բարելավումը, նորարարություններն ու ձեռքբերումները:

5. Հանձնարարել ՈԱԱԿ-ին պարտադիր մշտադիտարկման ենթարկել Աբովյանի բազմագործառության պետական քոլեջի գործունեության արդյունավետությունն՝ ըստ առաջընթացի առանցքային ցուցիչների:

**Հավատարմագրման Հանձնաժողովի**

**նախագահ**

2024 թ. ապրիլի 27

ք.Երևան



**Ա. Սադյան**